

**REUNIÓN DA COMISIÓN 6.^a, INDUSTRIA,
ENERXÍA, COMERCIO E TURISMO**

Día: 21.09.2017 Hora: 16:00

A Comisión 6.^a, Industria, Enerxía, Comercio e Turismo, da que vostede forma parte, reunirase o próximo día 21 de setembro de 2017, ás 16:00 horas, no pazo do Parlamento.

A orde do día é a seguinte :

Punto 1. Preguntas

- 1.1 12011 (10/POC-002136)
Grupo Parlamentario dos Socialistas de Galicia
Rodríguez Rumbo, Matilde Begoña e 2 máis
Sobre as melloras da sinalización do Camiño inglés, así como o acondicionamento dos tramos en mal estado e a construción dos albergues en Sigüeiro e Ferrol
Publicación da iniciativa, BOPG n.º 149, do 20.07.2017
- 1.2 13169 (10/POC-002297)
Grupo Parlamentario Popular de Galicia
Nóvoa Iglesias, Marta e 6 máis
Sobre o balance pola Xunta de Galicia dos resultados dos plans Renove e das accións destinadas a facilitar a eficiencia enerxética e as enerxías renovables nos fogares galegos
Publicación da iniciativa, BOPG n.º 159, do 07.08.2017
- 1.3 14606 (10/POC-002703)
Grupo Parlamentario do Bloque Nacionalista Galego
Bará Torres, Xosé Luís e 5 máis
Sobre as xestións levadas a cabo polo Goberno galego dende marzo de 2017 para impulsar e axilizar o soterramento da liña de alta tensión no barrio pontevedrés de Monte Porreiro, o mantemento de xuntanzas con Unión Fenosa para ese fin e a súa información en relación coa existencia e a tramitación dun anteproxecto para a súa execución no período 2018-2020, así como as xestións previstas ao respecto
Publicación da iniciativa, BOPG n.º 170, do 06.09.2017

Punto 2. Propositions non de lei

- 2.2 7465 (10/PNC-000771)
Grupo Parlamentario de En Marea

Casal Vidal, Francisco

Sobre a interposición pola Xunta de Galicia de alegacións ás solicitudes realizadas por Red Eléctrica de España para a construción de liñas de alta tensión e subestacións, especialmente nos casos que afecten a espazos naturais protexidos ou ás directrices da paisaxe de Galicia

Publicación da iniciativa, BOPG n.º 100, do 19.04.2017

2.3

7811 (10/PNC-000818)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a demanda polo Goberno galego ao Goberno central da regulación da relación comercial entre as empresas editoras, as empresas distribuidoras e os vendedores de prensa escrita e revistas co fin de evitar o abuso de posicións de dominio e prácticas monopolistas no sector

Publicación da iniciativa, BOPG n.º 100, do 19.04.2017

2.4

8465 (10/PNC-000891)

Grupo Parlamentario Popular de Galicia

Vega Pérez, Daniel e 7 máis

Sobre as actuacións que debe levar a cabo o Goberno en relación coa declaración de "interese turístico galego" da Romaría das Cruces que se vén celebrando con carácter anual no barrio da Ponte, no concello de Ribadeo e, en particular, a súa difusión

Publicación do acordo, BOPG n.º 112, do 10.05.2017

2.5

12368 (10/PNC-001203)

Grupo Parlamentario dos Socialistas de Galicia

Losada Álvarez, Abel Fermín e Pérez Seco, José Manuel

Sobre as actuacións que debe levar a cabo a Xunta de Galicia en relación coa ordenación da seguridade industrial a través do establecemento dun sistema de control que garanta a seguridade dos establecementos das instalacións e dos produtos industriais en Galicia

Publicación da iniciativa, BOPG n.º 149, do 20.07.2017

Os grupos parlamentarios poderán presentar emendas ás mocións e ás proposicións non de lei ata seis horas antes do inicio da sesión, o abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 13 de setembro de 2017

Cristina Isabel Romero Fernández

Presidenta da Comisión

RELACIÓN DE MEMBROS DE COMISIÓN 6.ª, INDUSTRIA, ENERXÍA, COMERCIO E TURISMO

POR ORDE ALFABÉTICA

Mesa

Presidenta	
Cristina Isabel Romero Fernández	P
Vicepresidenta	
Sandra Vázquez Domínguez	P
Secretaria	
Noa Presas Bergantiños	BNG

Vogais

María Ángeles Antón Vilasánchez	P
Moisés Blanco Paradelo	P
Francisco Casal Vidal	EM
Abel Fermín Losada Álvarez	S
Juan José Merlo Lorenzo	EM
María Isabel Novo Fariña	P
Marta Nóvoa Iglesias	P
José Manuel Pérez Seco	S
Miguel Ángel Tellado Filgueira	P

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

1. Preguntas

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

1.1 12011(10/POC-002136)

Grupo Parlamentario dos Socialistas de Galicia

Rodríguez Rumbo, Matilde Begoña e 2 máis

Sobre as melloras da sinalización do Camiño inglés, así como o acondicionamento dos tramos en mal estado e a construción dos albergues en Sigüeiro e Ferrol

Publicación da iniciativa, 149, 20.07.2017



Grupo Parlamentario

Á Mesa do Parlamento

Matilde Begoña Rodríguez Rumbo, José Manuel Pérez Seco e Abel Losada Álvarez, deputadas e deputados pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral na Comisión 6ª.


Partido dos
Socialistas
de Galicia

A peregrinación Xacobeá trouxo na Idade Media a peregrinos de toda Europa, traendo dos países escandinavos e, sobre todo, ingleses, escoceses, irlandeses ou flamencos. Todos eles contribuíron a fixar o que hoxe coñecemos como “O Camiño Inglés”, chegando a Galicia por Mar, arribando nos portos de Ferrol ou A Coruña, e tamén polos de Viveiro ou Ribadeo, no litoral lucense.

O Camiño Inglés conta con dúas alternativas, o itinerario dende A Coruña, con 74,7 Km, e dende Ferrol, con 118,7 km; estes dous itinerarios xúntanse á metade de camiño na localidade de Bruma, no concello de Mesía, dende onde continúan xuntos nos últimos 40 km ata Santiago de Compostela. Así, as etapas e os tramos propostos pola Xunta de Galicia son:

1. Dende Ferrol

2. Dende A Coruña





Grupo Parlamentario

Etapas	Distancia
Ferrol-Neda	14,35 km
Neda-Miño	24,44 km
Miño-Bruma	38,73 km
Bruma-Sigüeiro	20,13 km
Sigüeiro-Santiago	16,74 km

Partido dos
Socialistas
de Galicia

Na actualidade existe unha rede pública de albergues do Camiño de Santiago en Galicia, que toma como modelo a propia rede de hospitais medievais, hoxe son 69 centros con máis de 3.000 prazas; dos que só hai 6 neste camiño (Carral, Neda, Pontedeume, Miño, Betanzos, Bruma) cun número de prazas insuficientes.

Este camiño Inglés ten experimentado un importante incremento de peregrinos nos últimos anos e a propia experiencia nos confirma que canto mellor acondicionado estea o camiño, máis visitantes ten. Non obstante, a realidade é que na actualidade este camiño conta cunha serie de deficiencias que non favorecen a súa utilización nin o seu descubrimento:

- a) A sinalética é moi deficiente en todo o traxecto.
- b) No novo trazado urbano, aprobado pola Xunta de Galicia en 2014, conviven sinais de distintas cores que confunden o peregrino.
- c) Hai zonas cun mantemento deficitario.
- d) Os albergues son insuficientes, tendo en conta que dende Bruma ata Santiago de Compostela non existe ningún, tendo un percorrido que suma dúas etapas, é dicir, 36,87 Km.

Ante esta situación as deputadas e os deputados que asinan formulan as seguintes preguntas:

- 1ª) Vai a Xunta de Galicia proceder a reparar e substituír aqueles indicadores que están en mal estado?
- 2ª) Vai a Xunta de Galicia colocar indicadores naqueles lugares nos que estes son insuficientes?



PARLAMENTO DE GALICIA
REXISTRO XERAL ENTRADA
Data asento: 11/07/2017 09:30
Nº Rexistro: 12011
Data envío: 10/07/2017 18:45:05.697



 Grupo Parlamentario

3ª) Vai a Xunta de Galicia adecuar as mouteiras necesarias para ter unha boa sinalización do camiño?

Partido dos
Socialistas
de Galicia

4ª) Vai a Xunta de Galicia acondicionar aqueles tramos que están en mal estado?

5ª) Vai a Xunta de Galicia facer os albergues en Sigüeiro e Ferrol?

6ª) En caso afirmativo das cuestións anteriores, cando se van acometer as anteditas melloras no camiño inglés?

Pazo do Parlamento, 5 de xullo de 2017

Asinado dixitalmente por:

Matilde Begoña Rodríguez Rumbo na data 10/07/2017 18:34:30

Jóse Manuel Pérez Seco na data 10/07/2017 18:34:38

Abel Fermín Losada Álvarez na data 10/07/2017 18:34:47

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

1.2 13169(10/POC-002297)

Grupo Parlamentario Popular de Galicia

Nóvoa Iglesias, Marta e 6 máis

Sobre o balance pola Xunta de Galicia dos resultados dos plans Renove e das accións destinadas a facilitar a eficiencia enerxética e as enerxías renovables nos fogares galegos

Publicación da iniciativa, 159, 07.08.2017



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 27/07/2017 13:13
Nº Rexistro: 13169
Data envío: 27/07/2017 13:13:22.242

A Mesa do Parlamento

Marta Nóvoa Iglesias, Miguel Tellado Filgueira, Moisés Blanco Paradelo, Isabel Novo Fariña, María Antón Vilasánchez, Sandra Vázquez Domínguez e Cristina Romero Fernández, deputadas e deputados do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral na Comisión 6ª, Industria, Enerxía, Comercio e Turismo**.

A enerxía é un ben imprescindible para o desenvolvemento socioeconómico e para o benestar persoal e colectivo dos cidadáns.

A planificación enerxética da Comunidade Autónoma de Galicia ten como obxectivos garantir a cobertura das necesidades enerxéticas e da calidade da subministración eléctrica, e constitúe un dos seus piares básicos o fomento do aforro enerxético nos diversos sectores económicos e sociais.

O Plan Renove de Instalacións eléctricas, fiestras e ascensores, e outros elementos, enmárcase dentro do Plan de Vivenda 2017, que está a desenvolver a Consellería de Economía, Emprego e Industria para favorecer o aforro e a eficiencia enerxética nos fogares galegos.

Deste xeito, as familias poden aforrar custos na factura enerxética, ademais de mellorar a súa calidade de vida, potenciar o uso de enerxías renovables autóctonas e diminuír as emisións de CO₂.

Con estas iniciativas, melloraránse tamén as condicións de seguridade favorecendo, ademais, a posibilidade de incorporar medidas de aforro no sector doméstico, responsable de máis do 20% do consumo de enerxía eléctrica da comunidade.

En relación con este asunto, os deputados asinantes formulan a seguinte pregunta en Comisión:

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 27/07/2017 13:13
Nº Rexistro: 13169
Data envío: 27/07/2017 13:13:22.242**

Que balance fai a Xunta de Galicia sobre os resultados dos plans Renove e demais accións que están a facilitar a eficiencia enerxética e as enerxías renovables entre as familias galegas?

Santiago de Compostela, 27 de xullo de 2017

Asinado dixitalmente por:

Marta Novoa Iglesias na data 27/07/2017 12:53:52

Miguel Ángel Tellado Filgueira na data 27/07/2017 12:54:07

Moisés Blanco Paradelo na data 27/07/2017 12:54:17

María Isabel Novo Fariña na data 27/07/2017 12:54:23

Maria Antón Vilasánchez na data 27/07/2017 12:54:30

Sandra Vázquez Domínguez na data 27/07/2017 12:54:36

Cristina Isabel Romero Fernández na data 27/07/2017 12:54:44

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

1.3 14606(10/POC-002703)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as xestións levadas a cabo polo Goberno galego dende marzo de 2017 para impulsar e axilizar o soterramento da liña de alta tensión no barrio pontevedrés de Monte Porreiro, o mantemento de xuntanzas con Unión Fenosa para ese fin e a súa información en relación coa existencia e a tramitación dun anteproxecto para a súa execución no período 2018-2020, así como as xestións previstas ao respecto

Publicación da iniciativa, 170, 06.09.2017



BLOQUE
NACIONALISTA
GALEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 28/08/2017 11:24
Nº Rexistro: 14606
Data envío: 28/08/2017 11:24:31.498

Á Mesa do Parlamento

Luis Bará Torres, Noa Presas Bergantiños, Ana Belén Pontón Mondelo, Olalla Rodil Fernández, Montserrat Prado Cores e Xosé Luis Rivas Cruz, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, formulan a seguinte **Pregunta para a súa resposta oral en Comisión.**

1. O pasado mes de marzo de 2017, a empresa Unión Fenosa informou da súa intención de acometer no ano 2018 o soterramento da liña de alta tensión ao seu paso polo barrio pontevedrés de Monte Porreiro. Segundo comunicaron daquela representantes da empresa ao concello de Pontevedra, o proxecto contemplaba o soterramento da liña ao longo de aproximadamente 1,8 km, desde a subestación de Mourente até o río Lérez. O orzamento estimado da obra segundo a empresa é de 1,3 millóns de euros.

Este anuncio foi consecuencia do acordo adoptado no mesmo sentido polo Pleno do Concello de Pontevedra e coincidiu no tempo co debate no Parlamento dunha iniciativa do BNG que instaba á Xunta de Galiza a asinar un convenio de colaboración con Unión Fenosa e o concello de Pontevedra para facer realidade esta vella demanda veciñal.

Cómpre lembrar que o concello de Pontevedra xa levou a cabo unha primeira fase do proxecto de soterramento, aprobando e executando no ano 2009 unhas obras que supuxeron un investimento de preto de 500.000 euros.



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/08/2017 11:24
Nº Rexistro: 14606
Data envío: 28/08/2017 11:24:31.498

2. Malia o anuncio realizado pola empresa Unión Fenosa fai xa cinco meses, a realidade é que o concello de Pontevedra non recibiu desde aquela ningunha información nova sobre o ámbito e características técnicas do proxecto, trazado e investimento previsto.

Tendo en conta a previsión de executar a obras ao longo do ano 2018, desde o BNG considérase necesario axilizar e impulsar desde a Xunta de Galiza esta importante obra, que viría a facer xustiza e cumprir unha vella demanda da veciñanza de Monte Porreiro. Cómpre polo tanto que o goberno galego actúe con decisión ante a empresa Unión Fenosa para evitar un novo incuprimento e unha nova demora dunha obra que se vén adiando durante anos.

Polo anteriormente exposto, fórmulanse as seguintes preguntas para resposta oral en comisión:

1. Que xestións realizou a Xunta de Galiza desde marzo de 2017 para impulsar e axilizar o soterramento da liña de alta tensión que atravesa o barrio de Monte Porreiro?

2. Mantivo reunións o goberno galego coa empresa Unión Fenosa para impulsar a citada obra?

3. Ten coñecemento a Xunta de Galiza da existencia dun proxecto ou anteprojecto de soterramento da liña de alta tensión de Monte Porreiro e da súa tramitación para ser incluído no Plan de investimentos da empresa para o período 2018-2020?



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/08/2017 11:24
Nº Rexistro: 14606
Data envío: 28/08/2017 11:24:31.498

4. Considera o goberno galego que estamos ante un proxecto prioritario, diante dunha vella demanda á que se lle ten que dar resposta no prazo máis breve posíbel e ante un compromiso incumplido?

5. Que xestións prevé realizar a Xunta de Galiza para se cumpra a previsión de executar estas obras no ano 2018?

Santiago de Compostela, 28 de agosto de 2017

Asdo.: **Luis Bará Torres**

Xosé Luis Rivas Cruz

Noa Presas Bergantiños

Ana Belén Pontón Mondelo

Olalla Rodil Fernández

Montserrat Prado Cores

Deputadas e deputados do G.P. do BNG

Asinado dixitalmente por:

Xosé Luis Bará Torres na data 28/08/2017 11:23:37

María Montserrat Prado Cores na data 28/08/2017 11:23:41

Ana Pontón Mondelo na data 28/08/2017 11:23:45



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 28/08/2017 11:24
Nº Rexistro: 14606
Data envío: 28/08/2017 11:24:31.498

Xose Luis Rivas Cruz na data 28/08/2017 11:23:46

Olalla Rodil Fernández na data 28/08/2017 11:23:48

Noa Presas Bergantiños na data 28/08/2017 11:23:51

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

2. Proposicións non de lei

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

2.2 7465(10/PNC-000771)

Grupo Parlamentario de En Marea

Casal Vidal, Francisco

Sobre a interposición pola Xunta de Galicia de alegacións ás solicitudes realizadas por Red Eléctrica de España para a construción de liñas de alta tensión e subestacións, especialmente nos casos que afecten a espazos naturais protexidos ou ás directrices da paisaxe de Galicia

Publicación da iniciativa, 100, 19.04.2017

Á MESA DO PARLAMENTO

O Grupo Parlamentario de En Marea, por iniciativa do seu deputado **Francisco Casal Vidal** e ao abeiro do artigo 160 do Regulamento da Cámara, presenta a seguinte **Proposición non de lei**, para o seu debate na **Comisión 6.ª**, **relativa os estudos e alegacións que a Xunta de Galicia debe realizar cando Red Eléctrica de España (REE) as solicita para a construción de liñas de alta tensión e subestacións, con especial atención nos casos no que afecten a espazos naturais protexidos ou que entren en contradición cas Directrices da Paisaxe de Galicia.**

EXPOSICIÓN DE MOTIVOS

Casos como o que imos describir a continuación pon de relevo que a implicación da Xunta de Galicia na interposición de alegacións ás solicitudes de REE, para a construción de liñas de alta tensión e subestacións, ten que ser moito máis rigorosa, con especial atención cando poidan afectar a espazos protexidos, de especial valor cultural ou arqueolóxico ou cunha afectación á paisaxe importante.

En outubro de 2015, o Consello de Ministros aprobou o plan polo que Red Eléctrica de España (REE) comezou co proxecto para a construción dunha liña de alta tensión en dobre circuíto de 220 kV que cruzará boa parte da comarca das Mariñas. Pasará por Cerceda, Carral, Culleredo e Arteixo ata chegar á Coruña; Sairá de Abegondo, onde na parroquia de Folgoso se prevé unha subestación 400 kV/220 kV de entre 4 e 8 hectáreas que podería ser ampliada no futuro.

A liña está incluída no Plan de Desenvolvemento da Rede de Transporte de Enerxía Eléctrica 2015-2020, publicada o 23 de outubro de 2015 IET/2209/2015,



despois do trámite regulamentario establecido no Art. 4.2 da Lei 24/2013 do Sector Eléctrico.

Este trámite ten catro pasos:

- a) Proposta de REE con modificacións do Ministerio de Enerxía, Turismo e Axenda Dixital e alegacións das CC.AA.
- b) Informe da CNMC
- c) Congreso dos Deputados (para información)
- d) Aprobación en Consello de Ministros

Os pasos b), c) e d) tiveron lugar o: 16/04/2015, 29/09/2015 e 21/10/2015 respectivamente.

A construción da liña é unha actuación aprobada hai ano e medio, e no caso da Xunta de Galicia coñecida desde decembro de 2014, cando, segundo a CNMC, se iniciou o período de alegacións das CC.AA.

Segundo o Informe da CNMC a Xunta de Galicia non realizou, sorprendentemente, ningunha alegación en relación coa liña nin a nova subestación de Abegondo á que irá conectada.

Trátase dunha liña non incluída no Plan de Desenvolvemento da Rede de Transporte 2008-2016 (e por iso non afectada pola moratoria do RDL 13/2012.) que por tanto se incluíu no Plan de Desenvolvemento da Rede de Transporte elaborado a partir de 2012.

A motivación para a construción da liña, que aparece no Plan de Desenvolvemento da Rede de Transporte 2015-2020, é a Seguridade de Subministración e para evitar cortes de subministración zonais e locais.


Características da intervención na rede de AT.

Trátase dunha liña con dous circuítos a 220 kV e unha lonxitude de 29 km (variable segundo as alternativas a definir) de liña aérea e 12 km de cable

subterráneo, entre a subestación de Eiris 220 kV e unha nova subestación a construír en Abegondo.

Conxuntamente coa liña Eiris-Abegondo, o Plan tamén inclúe a construción dunha nova subestación de 400 kV/220 kV en Abegondo con entrada saída da liña de 400 kV : Mesón do Vento- As Pontes xa existente.

A motivación, alegada de maneira escasamente argumentada, para a nova subestación e as liñas é tamén a Seguridade de Subministración na zona de A Coruña.



No mapa adxunto pódese observar que a liña e a proxectada subestación de Abegondo independizan a subministración da Coruña e comarca dun fallo grave na Subestación de Mesón do Vento 220 kV. Pero sería necesaria moita máis información sobre outras causas que de momento non foron explicitadas.

Non hai información dispoñible do detalle da avaliación realizada por parte de REE.



A data prevista de posta en servizo da Subestación de Abegondo e a Liña Abegondo-Eiris é 2019.

Na fase primoxenea de avaliación ambiental, municipios e institucións emitiron os seus informes, todo previo ao posterior estudo de impacto ambiental, aínda sen elaborar. Os concellos afectados coincidiron en advertir da falta de información, ademais de censurar uns trazados que afectarían ao Monte Xalo, camiños históricos, castros ou petróglifos.

Aínda que hai tres posibles vías por onde pasaría a liña, hai unha que semella a preferida para REE. Tería uns 32 quilómetros de lonxitude e con piares cada 500 metros.

A idea é que a liña de alta tensión atravesese moitas zonas rurais que se poderían ver prexudicadas, así como terreos dun elevado valor paisaxístico e ambiental, hábitats protexidos e áreas incluídas na reserva da biosfera Mariñas Coruñesas e Terras do Mandeo.

Como calquera liña destas características, o cableado require dunha distancia de afección do entorno dos 40 metros, mentres que as obras para postes e instalacións esixirán a actuación de maquinaria pesada e o tronzado de árbores.

Algúns expertos advirten que "o desenvolvemento desta subestación de Abegondo, ademais de asegurar o servizo a zonas urbanas e industriais da zona da Coruña, tamén forman parte das infraestruturas necesarias para garantir a exportación de enerxía e, polo tanto, non só para cubrir as necesidades propias de Galicia". Neste suposto, habería "utilidade pública", pero tamén "utilidade de negocio das compañías produtoras de electricidade"

"A clave podería estar na actuación proxectada entre Dumbría-Mesón do Vento para dar saída á produción eólica da Costa da Morte e a hidroeléctrica de Ferroatlántica e así poder evacuar máis electricidade". "A subestación de Abegondo podería ser destinada, ademais dos usos expostos por REE, para aliviar a carga da estación de Mesón, que podería ter que soportar a saída cara a Portugal, xunto a outras actuacións que se están planificando no sur de Galicia."



Ante todo o exposto, consideramos que o Goberno da Xunta de Galicia ten que intervir de maneira urxente para desenvolver protocolos de actuación moito máis estritos, solventes e transparentes para a elaboración das alegacións mencionadas na parte expositiva.

A este fin, En Marea presenta a seguinte **Proposición non de lei** para o seu debate en Comisión:

O Parlamento de Galicia insta á Xunta de Galicia a:

1.- Desenvolver un protocolo de actuación ante as solicitudes de alegacións por parte de REE, para a construción de liñas de alta tensión e subestacións, que debería ter en conta os seguintes aspectos, entre outros a desenvolver:

- Aclaración minuciosa e precisa por parte de REE da necesidade da instalación para garantir o servizo eléctrico aos domicilios, empresas e industrias dunha zona determinada, que fará mención da capacidade necesaria de transporte da liña. Desta maneira poderase avaliar a utilidade pública da instalación.
- Realizar estudos de posibles alternativas no caso de forte impacto sobre o medio.
- Avaliar as posibilidades de substituír tendidos aéreos por subterráneos en zonas sensibles, sobre todo no caso de que a utilidade pública non sexa prioritaria.
- Solicitar a REE información de se a construción da liña ou subestación vén motivada polas necesidades dunha industria electrointensiva.
- Solicitar a REE información de se a construción da liña ou subestación vén motivada polas necesidades de evacuación de enerxía de zonas de produción en Galicia cara territorios alleos a Galicia.



PARLAMENTO DE GALICIA
REGISTRO XERAL ENTRADA
Data asento: 03/04/2017 10:28
Nº Rexistro: 7465
Data envío: 03/04/2017 10:28:57.737



2.- Trasladar de inmediato a solicitude de alegacións aos concellos afectados e ao Parlamento, para que participen do proceso desde o principio, sen esperar a que o proxecto estea xa desenvolto.

3.- Trasladar ao Parlamento as peticións de información e alegacións da CNMC. Entre elas, e a máis importante, a planificación de infraestruturas de electricidade e gas.

Santiago de Compostela, 3 de abril de 2017.

Asdo.: Francisco Casal Vidal,

Deputado do G.P. de En Marea

Asdo.: Luís Villares Naveira

Voceiro do G.P. de En Marea.

Asinado dixitalmente por:

Francisco Casal Vidal na data 03/04/2017 10:27:53



Luis Villares Naveira na data 03/04/2017 10:28:02



PARLAMENTO DE GALICIA
REGISTRO XERAL ENTRADA
Data asento: 03/04/2017 10:28
Nº Registro: 7465
Data envío: 03/04/2017 10:28:57.737

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

2.3 7811(10/PNC-000818)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a demanda polo Goberno galego ao Goberno central da regulación da relación comercial entre as empresas editoras, as empresas distribuidoras e os vendedores de prensa escrita e revistas co fin de evitar o abuso de posicións de dominio e prácticas monopolistas no sector

Publicación da iniciativa, 100, 19.04.2017



BLOQUE NACIONALISTA GALEGO

OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 10/04/2017 10:52
Nº Rexistro: 7811
Data envío: 10/04/2017 10:52:48.745

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Noa Presas Bergantiños, Ana Belén Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Luis Bará Torres**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión.**

O dereito á información e o seu acceso efectivo por parte da cidadanía é unha condición indispensable do punto de vista democrático. A prensa escrita e as publicacións periódicas son un dos soportes de maior importancia na difusión social da información. É por iso a súa distribución comercial ten implicacións que van moi alén do plano estritamente mercantil, ao incidir, polo anterior, no exercicio efectivo dun dereito fundamental recollido expresamente no ordenamento legal vixente.

A distribución de prensa implica fundamentalmente a tres operadores: as empresas editoriais, as empresas de distribución e o tecido comercial. Salienta neste último a importancia do sector dos vendedores e vendedoras de prensa e quioscos. En Galiza hai arestora 2.600 puntos de venda de prensa. Porén, este sector padece desde hai anos as consecuencias dun modelo de distribución desregulado de feito, e no que se producen prácticas obxectivamente monopolistas por parte das empresas distribuidoras. Unha situación que compromete a viabilidade económica do sector e que produce que cada ano se fechen unha media de 100 quioscos no noso país.

O conflito entre puntos de venda e industria distribuidora de prensa ten causa en que a súa relación comercial está marcada por unha dinámica de dominación por parte das grandes empresas distribuidoras.



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 10/04/2017 10:52
Nº Rexistro: 7811
Data envío: 10/04/2017 10:52:48.745

Este ámbito carece de regulación efectiva, dado que a Orde Ministerial de 22 de abril de 1972 fica tacitamente derogada, tanto pola entrada en vigor da Constitución española de 1978, como por un informe da estatal Dirección Xeral de Traballo de 1980. A ausencia dun marco regulador efectivo é tamén reiteradamente recollida nas resolucións do Tribunal de Defensa da Competencia. Unha carencia que permite que as empresas editoras, e de maneira especial as distribuidoras, poidan exercer abuso da súa posición de dominio no sector, en prexuízo dos intereses dos e das vendedoras de prensa.

Un abuso de posición de dominio, que constitúe na práctica un monopolio privado, que se materializa na moi frecuente ausencia de contrato entre a industria distribuidora e os puntos de venda, sometendo esta relación comercial á imposición de modificacións arbitrarias que teñen de ser aceptadas forzosamente polos vendedores e vendedoras baixo a ameaza de lles cortar o subministro. Outra das características máis graves do vixente modelo é a imposición de fianzas abusivas para iniciar a relación comercial coas distribuidoras. Engádese tamén a mudanza, unilateral, dos prazos de devolución dos exemplares non vendido, a non atención das incidencias e reclamacións ou a utilización tácita dos puntos de venda como almacéns ao servizo das distribuidoras. Un dos elementos que definen con claridade a asimetría nesta relación comercial, entre distribuidor e vendedor, é que sexa os últimos quen teñan de asumir os custes de transporte dos produtos.

O feito de que as empresas distribuidoras operen en base á exclusividade, tanto no que atinxe ás publicacións que distribúen como ao ámbito territorial, impide que os puntos de venda poidan optar por outra empresa, definindo unha clara situación de monopolio privado.



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 10/04/2017 10:52
Nº Rexistro: 7811
Data envío: 10/04/2017 10:52:48.745

Por parte dos e das vendedoras de prensa tense reclamado de maneira reiterada que desde o ámbito lexislativo se actúe para definir un marco regulador para o sector.

Polo anteriormente exposto, o grupo parlamentar do Bloque Nacionalista Galego formula a seguinte proposición non de lei para o seu debate en comisión.

“O Parlamento de Galiza insta ao goberno galego a que demande do goberno do estado a regulación da relación comercial entre empresas editoras, empresas distribuidoras e vendedores/as de prensa escrita e revistas, atendendo as súas particularidades, co obxectivo de resolver a situación descrita anteriormente, poñendo fin á conflitividade derivada do abuso de posicións de dominio e prácticas de tipo monopolista que se producen no sector”.

Santiago de Compostela, 10 de abril de 2017

Asdo.: **Noa Presas Bergantiños**

Olalla Rodil Fernández

Xosé Luis Rivas Cruz

Montserrat Prado Cores

Luis Bará Torres

Deputadas e deputados do G.P. do BNG

Ana Belén Pontón Mondelo



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 10/04/2017 10:52
Nº Rexistro: 7811
Data envío: 10/04/2017 10:52:48.745

Portavoz do G.P. do BNG

Asinado dixitalmente por:

Xosé Luis Bará Torres na data 10/04/2017 10:46:48

María Montserrat Prado Cores na data 10/04/2017 10:46:51

Ana Pontón Mondelo na data 10/04/2017 10:46:54

Xose Luis Rivas Cruz na data 10/04/2017 10:46:56

Olalla Rodil Fernández na data 10/04/2017 10:46:58

Noa Presas Bergantiños na data 10/04/2017 10:47:02

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

2.4 8465(10/PNC-000891)

Grupo Parlamentario Popular de Galicia

Vega Pérez, Daniel e 7 máis

Sobre as actuacións que debe levar a cabo o Goberno en relación coa declaración de "interese turístico galego" da Romaría das Cruces que se vén celebrando con carácter anual no barrio da Ponte, no concello de Ribadeo e, en particular, a súa difusión

Publicación do acordo, 112, 10.05.2017



GRUPO PARLAMENTARIO
POPULAR DE GALICIA



PARLAMENTO DE GALICIA
REGISTRO XERAL ENTRADA
Data asento: 28/04/2017 16:30
Nº Rexistro: 8465
Data envío: 28/04/2017 14:49:43.507

Á Mesa do Parlamento

O Grupo Parlamentario Popular, a través do seu portavoz, e a iniciativa dos deputados e deputadas Daniel Vega Pérez, María Antón Vilasánchez, Moisés Blanco Paradelo, Isabel Novo Fariña, Marta Novoa Iglesias, Cristina Romero Fernández, Miguel Tellado Filgueira e Sandra Vázquez Domínguez, ao abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **Proposición non de Lei en Comisión**

Exposición de Motivos:

A finais do mes de maio, en coincidencia coa festividade cristiá do luns de Pentecoste, ten lugar no barrio da Ponte, termo municipal de Ribadeo (Lugo), a tradicional romaría das Cruces. Unha cita multitudinaria que acolle a xente procedente de todos os puntos da xeografía galega.

O acto principal conmemora a coñecida como *a batalla de Arante*, na que os lugareños acadaron unha importante e simbólica vitoria contra as tropas napoleónicas, mandadas polo xeneral François Fournier, no ano 1809, no marco da Guerra da Independencia. En particular, os actos inicianse coa chegada das cruces procesionais de sete parroquias, por unha banda as ribadenses de Ove, Covelas, Cedofeita e Arante que se unen na ponte do río Grande, lugar que marca a liña do encontro. Tamén participan outras tres parroquias do concello de Trabada: Balboa, Sante e Vidal.

Ao redor da ermida da Virxe das Virtudes, ten lugar e o ritual dos pendóns e as cruces, en homenaxe á Virxe que da nome á capela. Os portadores das devanditas parroquias pónense uns fronte dos outros e comezan a arribar varias veces, primeiro os pendóns e logo as cruces, mentres dan tres pasos adiante e outros tantos atrás. Longo un veciño destas parroquias bandeia o pendón que porta varias veces consecutivas, pero sen que este chegue a rozar o chan. Como remate a procesión dá dúas voltas ao redor do santuario, onde se va a celebrar a misa solemne.

Pero ademais do Romaría, a capela ten tamén un interese turístico, patrimonial e cultural de primeira orde. Forma parte do percorrido oficial do Camiño Norte a Santiago de Compostela, ruta xacobeá. De feito, a ermida no seus inicios foi un hospital de peregrinos, fundado a mediados do século XVI polo cóengo Juan Marqués, nado en Ribadeo, co obxectivo de prestar coidados sanitarios “a pobres e peregrinos aos que había que darlles sen paga algunha, casa, cama, luz e leña”

No interior da capela, atopamos un rico patrimonio en pinturas murais, tardo-medievais. A ornamentación pictórica levouse a cabo mediante a técnica do fresco. Así por

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



**GRUPO PARLAMENTARIO
POPULAR DE GALICIA**



PARLAMENTO DE GALICIA
REGISTRO XERAL ENTRADA
Data asento: 28/04/2017 16:30
Nº Rexistro: 8465
Data envío: 28/04/2017 14:49:43.507

exemplo, na ábsida da capela localízanse, no muro sur, varias escenas da infancia de Cristo: a matanza dos inocentes, a fuxida a Exipto. Na parte interna da pilastra que sostén o arco triunfal, polo lado sur, un home rico. Fronte á figura da riqueza, na pilastra do muro norte, un esqueleto, que parece representar a Morte viva. No muro norte aparece tamén un trío mariano, Asunción, Coroación de María e o Descendemento. E xa no muro sur, datado no ano 1606 pinturas que fan alusión ao mar, un naufraxio, probablemente procedente dun exvoto

A Romaría das Cruces reúne os condicións máis que suficientes para, iniciar os trámites que conclúan coa súa consideración como festas de interese turístico de Galicia, condición que tamén apoian os propios veciños da localidade e a asociación que se encarga da organización da festa.

Por todas estas razóns, O Grupo Parlamentari Popular de Galicia, presenta a seguinte **Proposición non de Lei en Comisión:**

“O Parlamento galego insta á Xunta de Galicia a colaborar coa asociación promotora do evento e co Concello de Ribadeo, para que a Romaría das Cruces que cada ano se celebra nesta localidade poida obter a Declaración de Interese Turístico Galego e, en particular, insta ao Goberno galego a apoiar os esforzos para a difusión deste evento”.

Santiago de Compostela, 28 de abril de 2017.

Asinado dixitalmente por:

Pedro Puy Fraga na data 28/04/2017 14:46:28

Daniel Vega Pérez na data 28/04/2017 14:46:51

María Antón Vilasánchez na data 28/04/2017 14:47:25

Miguel Ángel Tellado Filgueira na data 28/04/2017 14:47:39

Marta Novoa Iglesias na data 28/04/2017 14:47:55

María Isabel Novo Fariña na data 28/04/2017 14:48:13

Moisés Blanco Paradelo na data 28/04/2017 14:48:36

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdeg Galicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 28/04/2017 16:30
Nº Rexistro: 8465
Data envío: 28/04/2017 14:49:43.507

Cristina Isabel Romero Fernández na data 28/04/2017 14:48:43

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión da Comisión 6.^a, Industria, Enerxía, Comercio e Turismo

Día: 21.09.2017

Hora: 16:00

Orde do día

2.5 12368(10/PNC-001203)

Grupo Parlamentario dos Socialistas de Galicia

Losada Álvarez, Abel Fermín e Pérez Seco, José Manuel

Sobre as actuacións que debe levar a cabo a Xunta de Galicia en relación coa ordenación da seguridade industrial a través do establecemento dun sistema de control que garanta a seguridade dos establecementos das instalacións e dos produtos industriais en Galicia

Publicación da iniciativa, 149, 20.07.2017



Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa dos seus deputados **Abel Losada Alvarez** e **José Manuel Pérez Seco**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** en **Comisión 6.^a, Industria, Enerxía, Comercio e Turismo**.

Exposición de motivos

A crise económica que temos padecido na última década, e que si ben, parece remontar a nivel macroeconómico, continua xerando pobreza e desigualdade, non só entre os parados, senón tamén entre os e as traballadoras con salarios máis baixos, tivo outros moitos efectos.

Os e as socialistas queremos mostrar a nosa preocupación pola relaxación, que coa desculpa da crise, se ten producido no ámbito da seguridade industrial. Os recortes nos custos das empresas, e a falla de iniciativa política por parte da Administración autonómica, teñen feito que a situación neste ámbito retrocédese a niveis de fai bastantes anos.

Isto ten producido, entre outras consecuencias, que os niveis dos accidentes laborais, que deberían de diminuír de maneira sostida no tempo, se teñan mantido estables, e mesmo teñan aumentado en algún período.

A mellora que debería de terse producido neste ámbito, recolleríase no articulado do Decreto legislativo 1/2015, que entrou en vigor o 13 de febreiro de 2015, polo que se aproba o texto refundido das disposicións legais da Comunidade Autónoma de Galicia en materia de política industrial.

E que inclúe como un dos seus obxectivos, ordenar a seguridade industrial mediante o establecemento dun sistema de control que atendendo a criterios de eficiencia e eficacia, garanta a seguridade dos establecementos, das instalacións e dos produtos industriais en Galicia.



Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia:

1. Establecer un sistema de información para as persoas titulares dos establecementos ou das instalacións sobre os prazos para realizar as inspeccións periódicas, indicándolles ao mesmo tempo a relación das entidades legalmente habilitadas na Comunidade Autónoma para realizalas.
2. Establecendo tarifas que permitan que as empresas realicen o seu traballo de xeito adecuado, xa que a devaluación de custos non pode garantir un traballo ben feito.
3. Que se establezan criterios coordinados no procedemento de auditoría de calquera máquina e instalación industrial. Regulando quen e como pode e debe realizar a inspección, acreditando a experiencia profesional, non das empresas, senón das persoas que realizan as revisións.
4. Esixir uns seguros de Responsabilidade Civil acordes ós traballos que se están a realizar, e acadar a coordinación e os mesmos criterios entre tódolos profesionais que se dediquen a este campo.
5. Que nos orzamentos de 2018 se dote dos medios materiais e humanos suficientes aos seguintes instrumentos de control da seguridade industrial:
 - Intervención administrativa.
 - Rexistro industrial de Galicia.
 - Rexistro de instalacións industriais.
 - Planes e programas de inspección industrial.
 - Entidades legalmente habilitadas para desenvolver as labores de inspección industrial.
 - Plan formativo para os inspectores.



PARLAMENTO DE GALICIA
REXISTRO XERAL ENTRADA
Data asento: 13/07/2017 11:25
Nº Rexistro: 12368
Data envío: 13/07/2017 11:25:23.500



 Grupo Parlamentario

Partido dos
Socialistas
de Galicia

6. Dar conta sobre a composición, normas de organización e réxime interno, así como as actividades realizadas polo Consello Interdepartamental de Seguridade Industrial.
7. Presentar no Parlamento de Galicia os resultados anuais dos plans de inspección realizados, así como as súas conclusións.

Pazo do Parlamento, 12 de xullo de 2017

Asdo.: Abel Losada Alvarez
José Manuel Pérez Seco
Deputados do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Abel Fermín Losada Álvarez na data 13/07/2017 11:24:35

Jóse Manuel Pérez Seco na data 13/07/2017 11:24:42

Xoaquín María Fernández Leiceaga na data 13/07/2017 11:24:47